

Առաջին անգամ վարժապետս ինձ տոեց սովորել այբբենարանը: Կարծես, այս ընդհանուր էլ իմ աչքի առջեւն է այն փոքրիկ տետրակը, տպած խոշոր տառերով: Նրա ճակատին նկարած էր մի մեծ խաչ, որի ներքեւ կային այս խօսքերը – «խաչ, օգնեա՛յ ինձ»: Մի քանի ամբողջ ամիսներ, երեսու խաչակնքելով կրկնում էի այդ երեք բառերը: Վարժապետս ասում էր, եթե ամեն դասի սկզբում խաչից օգնութիւն չիսնդրես, ոչինչ չես կարող սովորել: Բայց երեւում էր, որ խաչն էլ խոռովել էր իմ գլխին, նա ինձ խելք ու միտք տալու նպատակ չունէր...

Ես մինչեւ այսօր չեմ կարող հեռացնել այն ծանր եւ անախորժ տպաւորութիւնը, որ թողել է իմ վրայ այբ-բենը... Նրա ամեն մի տառը, կարծես թէ, ուզում էր վիշապի նման ինձ կուլ տալ... գիշերներն անգամ հանգիստ քուն չունէի... երազների մեջ նոյնքան տանջւում էի, որքան դպրոցում...: Ինձ երեւում էր, որպէս թէ նոն, մեյմուսի նման առջեւս պըպըզած, իր զգոնի ռեխը ծըմմելով, ուզում էր վախեցնել ինձ... ռան, մի մեծ մողես դարձած, վազում էր որ ծոցս մտնի... Ամենից անելի էս ասում էի ճէն, նա միշտ երեւում էր ինձ վիզը ծռած ուղտի պէս... Ես շատ էի վախենում ուղտից: Բայց մի տառ, որին էս շատ սիրում էի, էր օն. էս նրան խիստ շուտ ճանաչեցի, որովհետեւ նա նման էր գեղեցիկ Սոնայի բոլորակ աչքերին...

Նագելի՛ Սոնա, քո անունը յիշելու ժամանակ էս բոլորը՛, բոլորը՛ մոռանում եմ, ինչ որ կրեցի այն դժոխքի մեջ... դու էիր իմ մխիթարութիւնը... դու էիր քաղցրացնում իմ տխուր ժամերի դառնութիւնը...

Սոնան վարժապետիս աղջիկն էր: Ես իմ կեանքում չեմ տեսել մի այնպիսի. բարի եւ անմեղ բնաւորութիւն: Պատահում էր, երբ վարժապետս ծեծում էր ինձ, Սոնան մի թաթուն տեղ նստած, լաց էր լինում: Խեղճ աղջիկ, ինչո՞ւ էր լաց լինում նա:

Է. ՍԻՐՈՅ ԱՌԱՋԻՆ ՉԳԱՅՍՈՒՆԸ

Վարժապետիս ընտանիքը կազմում էին երեք հոգի՝ կինը, որդին եւ փոքրիկ Սոնան: Նրա կնոջը կոչում էին Գիւլ-ջիան: Չնայելով իր գեղեցիկ անոանը, որ նշանակում է աշխարհի վարդը, երեցկինը աշխարհի ամենաայլանդակ արարածներից մէկն էր: Այստամենայնիւ տեր հայրը, եթէ չասենք սիրում էր, բայց բաւականին յարգում էր նրան: Թէեւ պատահած ժամանակ մանր հայիոյանքներ տալիս էր, բայց շատ սակաւ էր պատահում, որ ծեծեր նրան: Դա ունէր իր առանձին պատճառները. որպէս մարգարէի առաջին երկրպագուն լինում է իր կինը, այսպէս էլ «աշխարհի վարդը» տեր հօր ամե-